

ӨНЕР – ӨМІРДІҢ ӨЗІНДЕЙ МӘҢГІЛІК

М.Әуезов атындағы ОҚУ-дің «Мәдениет және спорт» факультеті «Бейнелеу өнері және дизайн» кафедрасы «Рухани жаңғыру» бағдарламасы аясында сәндік-қолданбалы өнер саласы бойынша «Өнер – өмірдің өзіндей мәңгілік» атты онлайн шығармашылық байқауын өткізді.

Байқауға қаладағы мектеп оқушылары мен колледж студенттері қатысты. Нәтижесінде талантты өнерпаздар бірнеше номинация бойынша диплом және сертификаттармен марапатталды.

Қазіргі таңда кафедрада 29 оқытушы ғылыми-ағарту, тәрбие жұмыстарымен айналысады. Олардың ішінде, 2 педагогика ғылымдарының докторы, 1 профессор, 5 педагогика ғылымдарының кандидаты, доцент, 1 ҚР Мәдениет

қайраткері, 3 ҚР Суретшілер одағының мүшесі, 10 ҚР Дизайнерлер одағының мүшесі, 12 магистр, 17 аға оқытушы қызмет атқарады.

Кафедраның жұмысын жақсарту мақсатында республикамызбен қатар Ресей, Өзбекстанның алдыңғы қатарлы жоғарғы оқу орындарының көркем графика, дизайн факультеттерімен байланысын арттырып, олармен тығыз бірлестікте жұмыс істеуде. Мәселен, өткен жылы

М.Әуезов атындағы ОҚУ Орталық Ланкашир университетімен (Ұлыбритания) бірлесе отырып, «Жетіасар» галереясында ұлттық нақыштағы шығармашылық онлайн-көрме өткізді. Көрмеге 45-тен астам оқытушылар мен студенттердің кескіндеме, сәндік өнер және киім дизайны саласындағы шығармашылық жұмыстары қойылып, оны ТМД елдері мен алыс шетелдерден 100-ден астам қатысушы онлайн тамашалады.

Көрмені университеттің Қоғаммен байланыс және мәдениет жөніндегі проректоры, п.ғ.д., ҚР Суретшілер және Дизайнерлер одақтарының мүшесі С.Бейсенбаев ашты. Ал көрме жұмысын «Бейнелеу өнері және дизайн» кафедрасының аға оқытушысы, п.ғ.к. Ш.Рсмаханбетова таныстырды.

Айта кетейік, 2020 жылдың қазанында М.Әуезов атындағы ОҚУ мен Орталық Ланкашир уни-



верситеті арасында өзара түсіністік туралы меморандумға қол қойылды. Оның мақсаты – ғылым мен білімнің басым бағыттары бойынша ынтымақтастық орнату.

К.ЖОЛДАСБЕКОВА,
М.Әуезов атындағы ОҚУ
«Бейнелеу өнері және дизайн»
кафедрасының
аға оқытушысы, п.ғ.к.

К.ЕСЕНБАЕВА,
аға оқытушы,

Л.ИБРАГИМОВА,
оқытушы

